



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 21/417	Løpenr: 21/4844
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	10.06.2021	043/2021

Faste saker

10.06.2021 Kommunestyret:

Handsaming i møtet:

Godkjenning av innkalling og sakliste:

Ordførar Knut Harald Frøland (BI) bad om å få inn ei ekstrasak på saklista. Dette gjald sak om totalentreprise veg Hagabotnane. Han foreslo at denne saka vart handsama etter interpellasjonen i møtet. Kommunestyret slutta seg til ønsket om å ta denne saka inn på saklista.

Det var ingen andre merknader til innkallinga eller saklista.

Eventuelle merknader til protokoll frå førre møte:

Ingen merknader.

Rådmannen orienterer:

Ingen saker.

Ordføraren orienterer:

Ingen saker.

Orientering frå arbeidsmiljøutvalet om arbeidsmiljø og kommunikasjon mellom politikarar og tilsette

Fungerande leiar i arbeidsmiljøutvalet, Jarle Tverli, orienterte om utfordringar i kommunikasjonen mellom politikarar og tilsette og om ønske frå tilsette om dialog med politikarane om dette. Etter orienteringa informerte ordførar Knut Harald Frøland (BI) om at han tek sikta på at samarbeid/kommunikasjon mellom folkevalde og tilsette vil verta tema på folkevaldopplæring for kommunestyret 16.09.2021. Der vil også leiarar i kommunen verta inviterte til å vera med.

Utvalet sitt kvarter:

- Monica Tjønnha (Sp) spurde om status for arbeidet med bygging av offentlig VA i Eikedalen. Rådmannen kunne ikkje svara på dette i møtet.
- Shirin Kvernes Khadoor (Ap) spurde om resterande folkevaldopplæring i denne valperioden.
- Gunn Østvik Petersen (Ap) spurde om reparasjonar/reparasjonskostnader på branntankbilen, samt om bilen har vore i kontinuerleg beredskap etter at den vart kjøpt. Ho spurde også om tilstanden og forventa gjenstående "levetid" for førstehjelpsbilen. Rådmannen kunne ikkje svara på dette i møtet.
- Gunn Totland Moss (KrF) spurde om status for datalagringssenter i Børdalen. Ordførar Knut Harald Frøland (Bl) svara.
- Gunn Totland Moss (KrF) spurde om status for arbeidet med mogleg legevaktsamarbeid mellom Samnanger, Osterøy og Vaksdal. Ordførar Knut Harald Frøland (Bl) svara.
- Linda Haug Kollbotn (Frp) tok opp spørsmål om vedlikehald av tusenårsplatsen ("siloen") på Ytre-Tysse.
- Linda Haug Kollbotn (Frp) tok opp at det er ønskeleg med ei badetrapp på flytebrygga på Ytre-Tysse.
- Arild Røen (H) viste til brev frå fylkeskommunen om høyring av Regional transportplan 2022-2033, og understreka at det er viktig at kommunen gir høyringssuttale i denne saka.

Forslag frå Karl Bård Kollbotn (Frp) om uttale frå kommunestyret om planar om høgspenkabel gjennom Samnanger

Etter handsaminga av den siste saka i møtet (sak 062), tok Karl Bård Kollbotn (Frp) opp at han ønska at kommunestyret skulle vedta følgjande:

"Samnanger kommunestyre seier nei til å stille vår natur til rådvelde for symbolpolitikk vedtatt i Oslo. Samnanger kommunestyre viser til at plattformene kan produsere egen strøm og naturinngrepene står slik me oppfatter det - ikkje i stil med nytten. Oversendes til NVE, Statnett, Equinor, Aker BP, Multiconsult, Olje & Energidep., Miljøverndepartementet og Stortinget".

Øyvind Strømmen (MDG) varsla at han motsette seg at dette vart teke opp som sak i møtet, og viste til reglane i § 11-3 i kommunelova. Det vart så røysta over om dette skulle takast opp som sak i møtet. 13 røysta imot og 8 røysta for. Saka vart derfor ikkje teke opp til handsaming.

KS- 043/2021 Vedtak:

Møteinnkallinga og saklista vert godkjent. Orienteringssaker/referatsaker vert tekne til orientering.

Rådmannen sitt framlegg til vedtak:

- Møteinnkallinga og saklista vert godkjent.
- Orienteringssaker/referatsaker vert tekne til orientering.

Oversikt over faste saker:

Godkjenning av innkalling og sakliste.
Eventuelle merknader til protokoll frå førre møte.
Orienteringssaker/referatsaker.
Utvalet sitt kvarter.

